

Jud

Jud köp kali kliš rika

¹Yad Jud, Jems nimam nipe u. Jisas Kraiss wög gi ñeb bi nipe ap midpin. Manö kali kliš rikabin anibi, kalöp nibi bi Bapi God, kalöp udnabin a göm udöm midmagö löp nibi bi gau, kali kliš rikabin. Jisas Kraiss nipe kalöp abad midöp.

^a ²God apil mihau kalöp mög niñmil, ud aij gimil, midmagö limil, gilö araj.

Bi God Manö piral hagep gau

³Nibi bi niñeb aij yad. Kalöp köp kali kliš rikem, Jisas Kraiss hanip ud kamiñ yua manö aij u rimnap hagnabin, a gem, gasi u niñnö. Pen yad uri gasi niñbin, kale klö yabiñ gimim, Jisas Kraiss manö aij hanip nibi bi nipe hag ña u, niñ ud pidöñ göl gi midaimim, manö anibu uri nöp köp kali kliš rikem, kalöp yunabin, a gipin. ⁴Bi naij God niñagal rimnap agamij apöm, kalöp aip magum gipal. God nipe nibi bi mög niñöm, Ni nipe hag yuö apöm, uma u me, nibi bi nan si nan naij geinaböl u, God nip hag niñlö, nipe nan si nan naij ginaböl u niñöm arö ginab. Pen bi naij anib gau, manö aij anibu ud ado göm hagal, “Hon nan si nan naij hañowañö gino, God hanip pen nan ap gagnab,” a gipal. Anig gipal anibu, Bi Kub hon Jisas Kraiss nip arö göm, gi naij yabiñ gipal. Hadame dagol gau God Manö kali kliš riköm, nibi bi anig ginaböl gau ilön kub yabiñ udnaböl, a gila. ^b ⁵Hadame nöp ga u niñbim u pen hauñ gimim rö löp rö, kalöp kauyañ hagniñ gabin. God nibi bi nipe Isrel kai, ram minöñ Ijip nibö ud asik daua, pen hainö nip gasi niñagla gau kalip al pak lö umla. ^c

⁶Ejol rimnap, ram minöñ aij kale mid aij gila gau arö gilö, God kalip sibön göp miñan u nagi lö, manö kub hagep ñin kub u abad midpal. ^d

⁷Anib unbö rö, Sodom Gomara abe, daun rimnap ram minöñ yöp söñ anib gau abe, kale nibi si bi si gi damöm, gi naij yabiñ geila. Nibi bi mab

^a 1 Mad 13:55 ^b 4 Gal 2:4; 2Pi 2:1 ^c 5 Eks 12:51; Nab 14:29-30 ^d 6 2Pi 2:4

ke pör pör innab au amöm, ilön kub udnaböl u, nibi bi gau magöñhalö niñlañ, a göm, Sodom Gomara nibi bi gau kalip mab miñañ kumi kabö lañ nibö u yuö, apöm kalip in habik ara.^e

⁸Bi naböñ niñöm manö piral hagpal, hagabin anib gau, kale u rö nöp hañ romanñ kale ke gi najj göm, Bi Kub manö nipe hag juöm, ejol gau kalip manö najj hagöm, gipal. ⁹Pen Mosis umö, ejol kub yabiñ Maikel aip, Seden aip, Mosis wip he u udnig pen pen haglö u, Maikel Seden nip hag juaga. Nipe yihariñ haga, “God nipe ke nöp gasi ñinim!” a ga.^f ¹⁰Maikel gasi niñ aij göm anig haga u pen bi hagabin gau, nan nihön niñagpal gau, manö najj najj nöp hagöm hañowañ hag jubal. Pen kale, gasi niñ aij gagöm, kaj kain gipal rö gipal u me, God pen kalip ilön kub yabiñ ñinab.^g

¹¹Bi anib gau kalip mög niñbin. Adam ñi nipe Ken gi najj ga rö gipal. Mumug mani nan gau nöp gasi niñöm, bi ne Belam hadame nöp ga rö gipal. Anib u, kale bi ne Kora, God Manö rib juöm uma rö umniñ gaböl.^h

¹²Pen kale God nip midmagö löl gi, añ mam pen pen midmagö löl gi, nan jim ñöl niñniñ apim, magum gipim ñin u, kale God nip gasi niñöm wasö, yihariñ apöm nan uñam ud ñeb gi niñlö, gac kale kalöp u rö nöp cig göp. Anib u, kumi apöm möñ alagöm yihariñ pak gi dö gi aröp rö u midpal. Mab ñineb magö pilagö iñ halö ud julö hadö böñ nöp miñep ga rö midpal.ⁱ ¹³Nan najj ke yabiñ gi damöm, ñig solwara pa jö ma jö göm, kiñu habkob li ap lugöp rö gipal. Nibi bi anib gau, God nipe gö, kale gapi ju sibön añ gau am ado gi auagep rö adö u arnaböl.

¹⁴Adam iñ nipe rika u, rik damöm, Inok nip me kagoñ jñj u^j yag daula. Inok nipe hadame nöp God manö nipe hagöm, bi kalöp piral hagpal anib gau rö niñöm haga, “Niñim! Bi Kub ejol uñ nipe ñin juöl iru yabiñ nöp damöm,^k ¹⁵nibi bi magöñhalö manö kub hagnab. Nip gasi niñagöm, manö nipe hagöp rö gagöm, nan si nan najj adö ke ke göm, nip manö klö najj adö ke ke hagöm gipal rö, kalip ilön kub yabiñ ñinab,” a ga. ¹⁶Bi manö piral hagpal, kalip hagabin gau, kale pör hag har har göl gi, manö udöl gi, gi midpal. Hanip ke aij ginab adö u gun, a göm, hañowañ gi najj gilö arab. Yad nöp bi kub midpin, a göm, gasi u niñöm, hagpal. Pen nibi bi rimnap hanip aij ginim adö u gilañ, a göm, kalip hib dap raneb manö piral nöp hag hag gilö aröp.

¹⁷Pen bi niñeb aij yad gau. Bi Kub hon Jisas Kraiss bi manö nipe ud arep gau nöd hagla manö u gasi niñöl gi midaimim. ¹⁸Kalöp hagla, “Ñin hain u, nibi bi God nip gasi niñagal gau, gasi najj kale ke niñbal rö göl gi, kalöp hag hain ginaböl,” a gila.^l ¹⁹Bi hagabin bi anib gau, God Ana kalip aip midagöp. Gasi ke auöp rö niñöm gipal u me, kalöp nibi bi ud asik ke

^e 7 Jen 19:1-25; 2Pi 2:6,10 ^f 9 Dan 10:13,21; 12:1; 2Pi 2:11; Rep 12:7; Sek 3:2 ^g 10 2Pi 2:12

^h 11 Jen 4:7-8; 1Jn 3:12; 2Pi 2:15; Nab 16:1-35 ⁱ 12 2Pi 2:13,17 ^j 1:14 Adam abe wö ralnabön u, Inok nip mudun jñj u yag daula ^k 14 Jen 5:18,21-24 ^l 18 2Pi 3:3

ke libal. ²⁰Pen nibi bi niḡeb aij yad gau. Jisas Kraiḡ manö aij u niḡ uḡpim u, niḡ uḡep maḡö uḡ yaḡiḡ anibu niḡ uḡ piḡöḡ ḡimim, manö aij anibu yuö u pör nöḡ riḡnap halö niḡ aij ḡimim, ḡi ḡammim, ḡipe arniḡ. Ana Uḡ u kalöp ḡasi ḡö niḡöl ḡi, kḡö niḡe uḡ niḡ sabe ḡöl ḡi miḡaimim.^m ²¹Bi Kub hon Jisas Kraiḡ kalöp möḡ niḡöḡ u me, niḡe kalöp ḡam ram miḡöḡ kumi kabö aḡö laḡ au lö, pör pör nöḡ kaḡiḡ miḡeinabim. Pen am niḡe aip pör pör miḡaiun, a ḡimim, abad miḡpim ḡin i, God hanip miḡmaḡö löḡ ḡi nöḡ miḡöḡ, a ḡimim, ḡasi u niḡ miḡaimim.

²²Nibi bi ḡasi miḡöḡ niḡöḡ, ḡasi iru niḡḡal gau, kalip möḡ niḡḡimim, manö hain ḡaḡmim. ²³Nibi bi riḡnap maḡ miḡaḡ aḡö u aröl rö löḡ gau, kalip uḡ kaḡiḡ yuḡim, kaḡiḡ aröl. Nibi bi riḡnap kalip u rö nöḡ möḡ niḡḡimim uḡmim, pen miḡmaḡö kale ke auöp rö ḡipal rö, hane u rö nöḡ ḡi naiḡ ḡun rö löḡ, a ḡimim, niḡ aij ḡimim miḡaimim. Nan si nan naiḡ kale ḡipal gau piḡiḡ ḡimim, asi maḡi ḡimim. Nan si nan naiḡ ḡi miḡlö waḡiḡ kale abe ḡac ḡöp a ḡimim, uḡaḡmim.ⁿ

Bi Kub hib ḡap raneḡ manö ap

²⁴ Miḡi kalöp God ḡiḡmaḡö aḡö u labin.

Niḡe kalöp abad miḡö niḡöl ḡi, ap luḡ paḡaḡnabim.

Hainö kalöp uḡöḡ, niḡe ke mailö aij ke halö miḡöḡ au lö,

nibi bi asiḡ miḡaḡöp niḡe miḡmim, miḡ miḡ yaḡiḡ ḡinabim.^o

²⁵ God niḡe aḡi. Niḡe hanip uḡ kaḡiḡ yuöp.

Bi Kub hon Jisas Kraiḡ hanip, a ḡöḡ, umöḡ uraka u,

hadame ḡaḡol gau riḡöḡ, miḡ ḡamöḡ,

uri, hainö, pör pör nöḡ niḡe miḡep nöḡ miḡöḡ,

niḡe Bi mailö aij halö, Bi aij unbö ke,

Bi kḡö naiḡ yaḡiḡ, Bi maḡöḡhalö abadeḡ miḡöḡ.

Anibu, hib niḡe pör nöḡ ḡaḡno aḡö araḡ.

Anib unbö rö aij.

^m 20 Kol 2:7 ⁿ 23 Sek 3:2; Rep 3:4 ^o 24 Ro 16:27; 2Pi 3:18